



曉亭詩鈔卷一

男鄂洛順校編

宗室塞爾赫

慄菴

春雪集

甲寅元日立春瑞雪

今年元日春朝雪瑞降天心兆四寅

是年寅日
寅時立春

喜起

明良動韶護

昭垂精一見絲綸豐占六合看盈尺樂徧千門任

滿身益信太平誠有象輝生大地仰鴻鈞

雍正丁未五月二十一日引

見勤政殿

特授監察御史恭紀

上苑清流碧玉灣羽林森衛五雲間三年教忝宗

人職甲辰閏四月選充八旗宗學正教長一日榮隨繡廡班佳客敢遺題

竹諠羣鷹應遣避驄還臺網整肅知難稱愚慙猶

思犯

聖顏

丁巳十月

上謁

東陵駐蹕烟郊恭紀

千官結束赴期門

展謁精誠仰

至尊甲帳周圍黃錦幄衆星環拱紫微垣風迴

輦路輕塵靜氣轉陽和朔雪溫

清蹕一聲雲外響遙

仙仗晃朝暎

南苑大閱恭紀

雪晴南苑靜氛埃大閱親勞

萬乘來鹵簿朝陽明虎旅廣原芳草躍龍媒人歌

金石重華頌旗展星辰八陣開文化自應資武略

天王號令起風雷

明詩金卷一
二
恭和

御製今年直隸秋收倍常憑輿有喜因示接駕衆
官之作元韻

茨梁秋景四方同遊豫欣狀賦我攻歲事縱教書
大有

天心未許恃頻豐康衢早識清時頌幽俗還歌古
國風已慶倉箱成至治尚煩休養厘

宸衷

恭和

御製己未元旦元韻

紉縵卿雲鷺序聯瞳矓初見曙光鮮爭傳

睿藻輝三殿忽播薰風入五絃白雪陽春宣

寶訓紫宸清闕從瓊筵一時遭遇平生願慚愧無

才載簡編

恭和

御製乾隆癸亥元宵前一日雪賜宴西苑與近臣

聯句元韻

雪近元宵麥尚宜陽和呈瑞萬方知風回

御苑梅先蕊氣轉龍池柳未絲南畝凍消雲靉靄

東郊烟散雨迷離占年不覺歡無極更值

瓊樓賜宴時

恭和

御製咏紙鳶元韻

盤空孤鶴繪霜縉
身近璇霄合凜兢
已逐斷雲舒錦翼
還從勾影悟金繩
常疑健鶻驚過鳥
致遠何人恐折肱
却笑平生兩無分
榆枋鷄雀北溟鵬

恭和

御製御園仲春元韻應

制

乍轉和風颺柳梢
催耕時雨潤篁勺
高旻日麗逢

桃李仙閣春融待燕巢
二月晴波添碧沼
萬方荷鋪盡青郊
順時仰識

天行健動合辭占審六爻

新綠垂陰散綺牕
飛泉繞逕響琤琮
東郊野鳥臨歌扇
西嶺閒雲戀石幢

上苑有花成錦繡
荒陬無土不耕糞
雨暘時若從宵旰
午夜蘭膏共滿缸

恭和

御製御門日雨元韻應

制

殿門飛雨集梧桐雉尾流雲接顯穹
綸綍與時成渥澤恩膏隨處屬

皇躬生成餘力兼花鳥長養深心到草蟲此日
天顏誠只尺沾濡應訝萬方同

光燭層霄日道臨風雲浩蕩古無今三農豈有恒
暘慮

九陛常懸潤物心太液波寬魚自躍上林花發酒
同斟

御鑪烟重鐘聲濕
翠幄遙穿綠樹深

恭和

御製柳絮詩元韻應

制

飄搖疑雪幾逡巡惆悵東流莫問津漠漠和烟籠
灞岸飛著霧暗宜春花從社燕銜殘雨萍泛薰
風別輭塵不似遊絲與芳草有時橫路礙行人
但見枯楊忽有稊依狀玉屑望中迷添從華髮將
衰矣高雜卿雲且爛兮樊圃暖烟收細雨龍池晴
雪覆長隄江潭日暮天風起半入璇霄半委泥
板橋踪跡隨微霜漫入盧家妬玉堂郢雪飛時空

宛轉謝庭吟後更顛狂雲邊偶愧星辰靜風裏何
如蛺蝶忙幸際春明當化日逍遙身世百無妨
蕩漾朝烟換夕霏暫來還去亦頻揮誰疑仙圃瓊
英老却憶荒江野草肥板渚乍明殘月隋梨雲初
散夜烏飛青門乍啟春風裏彷彿輕黏右衛衣
天上高吟思不窮人間飄泊影俱空可堪閒照深
宮日著意相憐少女風白下舊來春易晚武昌今
望樹猶童惟應露井天桃色每向瑤階相映紅

恭和

御製遊潭柘岫雲寺即事雜咏得詩六首元韻應

制

九峰懷古寺萬竹發祇園徑轉妙香界泉通甘露
門空潭龍護法老樹鶴生孫福地來

鑾輅芳林聽鳥言

雍：皆羽衛濟：雜臣鄰草木生餘澤山川定
一人雲堂鐘磬迴

輦路雨花頻已得無聲臭方知毛有倫

層甍迎岫起飛閣倚林懸古樹幽湍側春山曉月
前高空凝瑞靄幽壑罩輕烟削出羣峰色都如太
華蓮

青郊迎淑氣

黃屋上方留一片陽和澤常同天地流崑松連雉尾磴石儼螭頭試看雲飛鳥深林晚自投

行殿瞻

宸翰憑空絢綺霞銀鈎懸麗日

寶篆羃輕紗天畔驚飛鳳人間愧鬥蛇侍臣寧鵠立代舞共傳芭

拔地削芙蓉黏天潑黛濃山霧無斧鑿天與豁心胷隔嶺聞松籟穿花響石淙一聲

清蹕靜香：散烟鐘

恭和

御製秋夜泛湖賦得唐文皇爽氣澄蘭沼之句得詩五首依韻為次元韻應

制

明湖入夜清空宇映秋爽碧沼泛舟迴波心見垂象微雲綴斜漢仙露漸盈掌誰為冰齒人偏得長偃仰

肘腋嫩涼生游情杳難既穆如蘋末風香來發花未倍覺月分明始識雲霞貴演漾從臣衣時沾芰荷氣

明星玉宇澄岸豁遠烟凝卷起一天雨如頒六月
水秋毫真可數此福誰能勝豈獨歡游豫蓬萊信
許登

瑤浪淪金坂銀泥起玉灘鳴榔掌荇藻艤櫂艤芳
蘭澗瀆涵微象空明合靜觀自天凝瑞露渴飲近
臣歡

龍旗閃列星

鳳舸浮靈沼隱映錦屏山參差

宮樹杪鳥影散還來蟬聲疎未了弦月吐清商明
河已皎

乾隆九年十月重葺翰林院成

車駕臨幸賜宴送大學士掌院鄂爾泰張廷玉進
署非由翰林入仕者不得與而臣塞爾赫叨
蒙

特恩參越

命各賦詩分張說東壁圖書府一律為韻臣得天
字應

制

清署新命與

溫綸下九天

鑾輿先羽衛鴛鴦共班聯瀛海雲霞爛
宸章日月縣馨承

頒玉醴榮竊立花輓載頌逾三祝興歌叶五絃
殊恩叨格外億萬慶斯年

恭和

御製駕幸翰林院賜宴分韻聯句後復得七言律
詩四首并示諸臣元韻應

制

香烟縈霧暖疑春仗馬星羅雜綵珍南極曉開青
瑣闥北門宵集紫微臣曠曠瑞照雲衢朗命奩

光翰院新遙想千秋清秘地幾曾能得

六龍巡

隱：層霄吹紫鸞漢庭公輔進賢冠千官雅稱瀛
洲會一騎容隨

黼衣看檻畔琪花香細：簷前

寶蓋影團：

太平天子崇文日湛露無邊海有瀾

珠琲闌干錦共聯輝煌

睿藻冠鴻篇由來

至聖超羣聖未必前賢邁後賢一片雲霞開麗景

滿天香霧篆沉烟人間信有三山路今日承

恩便是仙

日耀微軀暖更融

殊榮逾格感

皇衷即看蟲鳥猶知化不是雲霄莫比崇虞夏精
誠方再見漢唐高議豈能同從知
聖學寬如海盡在涵濡長養中

恭和

御製翰林院宴畢駕幸貢院七律四首元韻應

制

鑾輿臨幸趁良辰棘院崇墉接綺闈三載一從魚
變化

九重頻念士艱辛登賢選俊

明廷典篝火聽雞白屋人

天語如絲昭煦嫗龍門十月暖於春

三公耀德映三台補衮應須濟世才董策天人非

偶爾虞廷喜起詠良哉春風二月天桃發瑞露中

秋丹桂開生託靈根愧樗朽微名無分此間來

螢鐙萬戶習鵬搏天祿原非學可干詩聖較詩還

下第盛時思盛尚才難翻飛燕雀寧垂翅羈馬驂

騮惜曠官今日陽春重布澤肯隨霜葉就凋殘
聚奎堂外曉烟沉

輦路簫韶接鳳吟舉動常占

天步遠栽培益感

帝恩深掄才自此澄冰鑑搗藻從看煥藝林千載
一時期共勉等閒毋負

作人心

侍

宴翰林院紀

恩詩并序

乾隆九年冬十月新葺翰林院官署告竣

車駕親臨錫宴

簡廷臣之由翰林晉階者三十有八人分韻賦詩

臣赫非其倫而

特詔與焉聞

命之下感愧交并敬抒蕪蔓用誌非常

袞職安能補

萬幾也縻天祿從臯夔論文未識瀛洲路紀瑞曾
聞寶鼎詩一脈銀潢分遠派千尋若木綴纖枝忽

聆

天語慚

殊寵許入詞臣侍

宴時

馬齒年華感鬢絲白頭身到鳳皇池此生清秘全無分敢冀

殊恩獨見知何幸花輓同步屨未通仙籍共餐芝中天湛露滋葵藿垂老心傾二六時

玉液蘭饅

內府頒金張多未與清班

非由翰林出身雖六卿不得入行殿與宴

星羅羽

衛三千士仗引龍媒十二閑春宴杏林花外望秋

榮桂樹夢中攀不知今日何遷次身在蓬萊山上

山
在上分明肅大觀瓊筵坐

賜五雲端兼成煦嫗陽和溥並入涵濡渤澥寬恭與諸臣三獻

壽榮於一歲九遷官有心祇恐慚黃雀力薄身微報稱難

恭和

御製元韻八首應

制

湧晴雪

飄瞥灑光天，感沸湧竅穴。在目若雲流，驚耳疑石裂。晴日照難鎔，長風吹未絕。聊從郢歌聲，飛作堯階雪。

小九疊

濺沫散瓊珠，震電何霄々。詰曲通鳳沼，微茫奮鯨鬣。瀕洞海上音，深含古琴匣。傍日愛晶瑩，天風吹萬疊。

吟清籟

日月方壺中，古松璇室外。長風萬里來，清聲與神

會。谷鳥靜不喧，雲巒相映帶。悠狀成默契，始覺聞天籟。

坐霄漢

負宸觀寶書，時復灑

宸翰。芳樹鳴春禽，初花成繡幔。樓閣五雲中，磴道三山半。

清蹕時一聲，遙々在星漢。

雲外賞

蕭寺鄰

珠宮飄渺春烟上，花時雜軟塵鬱々。紅十丈道遙

度索山寧獨在塏
爽二月
翠華臨開軒成

睿賞

滌襟泉

瑩狀三尺水光涵
萬里天相對慚老醜
匿影春風前空明感
一心勝理誰能傳
聊用滌塵襟脈思
涸泉

點筆石

綵筆珊瑚牀文硯
龍鬚席一題桐葉
詩幾點峻嶒碧雲
出田盤根風吹已
無跡既愜

聖人心何事猶名石

繡雲壁

綴石雲成繡神功
有誰敵前列紫霄
宮風清鎮長寂旦
暮有淺深冬春無
改易不隔飛鳥羣
何妨自堅壁

乙丑二月十三日雪侍從

車駕敬謁

東陵恭紀

步輦寒逾雪路澍
千官扈從向東陵
三農暗卜豐年日
萬馬齊鳴春澗水

明言金卷一
十四
寢殿輝煌尊氣象雲霄陟降仰峻嶒威儀肅穆香
烟動如在神光信有憑

扈從

駐蹕盤山未得登陟漫成長句呈一二同志
近仰三盤丹碧新仙山樓閣自金銀松陰綠暗迴
峯日杏蕊紅開隔嶺春陟險關心惟舊雨佇看回
首又前塵當年泉石知無恙果否相逢似故人

恭和

御製落花詩元韻應

制

輾轉春情不自由彩雲飛散影難留可堪零亂芳
隄外尚有潺湲碧水流風雨橫來偏入夜池臺深
鎖已如秋舞山香曲天邊歇紫蜨黃蜂似解愁
曲岸閒階有斷紅高天回首曉雲空顛狂未敢隨
飛絮飄泊何緣類轉蓬幾日沾濡宜細雨平生長
養賴東風芳心何處向春盡都在江樓玉篴中
無邊離別又驚心斜日閒園深復深晴雨晝飛紅
作陣高樓客散綠成陰灑餘殘血鶻猶恨繞遍空
枝蜨尚尋彷彿秦樓化仙去令人長憶鳳簫音
節序能令景物殊繁華滿眼亦斯須當時豔冶曾

同有逸世風流豈盡無筵隋殿紅頻蹴燕柳含晴
翠祇藏烏望春樓上年事雲爛霞烘千萬株
人已知無可奈何曲闌猶自鳥聲多心飛故國埋
香處腸斷春江濯錦波豈有風情撩短髻空辜雨
露潤高柯回頭只尺天涯路扶荔宮高隔絳河
不須蕭瑟更驚秋一片纜飛已惹愁試問沾泥隨
燕子何如臨水引漁舟門前流出難逢阮觀裏重
來可是劉欲向瀟湘託清影浪花無際亦浮漚

乾隆丙寅秋八月

賜宴瀛臺倣

駕幸翰林院事用唐臣李嶠甘露殿侍宴詩分韻

賦詩臣赫得醕字應

制

時和萬寶成氣肅九秋序吉日宴蓬瀛恩波躍魴
鱖琪花月殿香玉液

天廚醕窈窕烟霞區追從鸚鷺侶

宴罷勅令諸臣游觀十洲

洵非遐三島更何許稽首誦

宸章如聆霄漢語

恭和

御製瀛臺賜宴得詩四首元韻應

制

曉度金風響玉珂太平身世識雍和

君心每厯三農事歲兆今登九穗禾日麗東華天
共近雲連西苑

仗先過千官影裏傳呼動喜起時聞繼雅歌

萬歲山前萬綠稠海中樓閣瑞雲浮瓊鞋挹露光
疑積瑤草生烟翠欲流

玉食叨分金鼎膳

恩波穩泛木蘭舟

御鑪香裊層霄外

清蹕聲聞在上頭

滿天濃露曉娟、繡闥雕甍繞瑞烟內使又看陳

玉饌諸王昨已與瓊筵

鴻規自與

先皇遠

至德寧惟青史傳從古君臣無此日何勞宴鎬紀
姬年

日月光華碧漢留諸臣載筆豈能酬萬方同仰高
空瑞百物咸登大有秋鳳管一聲移

綵仗蝦鬚千捲上簾鉤承

恩不覺歸來晚刻燭還思記十洲

丁卯二月初八日扈從

駐蹕烟郊與朱學士會亭吳中翰學山夜話有懷
雲溪統領定圃侍講

二月桃花

輦道開老懷春色忘去聲駑駘論文敢奪應劉席作
賦誰為班馬才雲影連郊千騎合烟痕抱石萬山
迴清談曾笑當年客一夕相思白髮催

恭和

御製桃花寺行宮對雪元韻應

制

山寺仙源靜

璇宮瑞雪霏風和纔二月氣靄接三微積石添苔
秀融階覺草肥

聖情相愜處

寶翰帶雲揮

花疑度索來直上天山隈欲作瓊樓賞翻從碧落
開碎知冰皎潔輕見玉韞韞今日從
行在應忘庾嶺梅

春分一日雪萬物共歡娛東郭無踪矣梁園有賦

乎土膏長自潤花重未妨扶農圃徵祥瑞閭閻樂
有無

恭和

御製恭謁

孝陵元韻應

制

乘運入雄關

恩膏沛兩間雲霄崇

寶幄冠劍泣羌蠻不覩

規模盛安知肇造艱

精誠敦大禮進退肅

龍顏

恭和

御製恭謁

景陵元韻應

制

鼎湖龍已遠歲享

念含飴

孺慕殷：見心傳

聖聖知長生三秀草時發萬年枝

寢殿瞻依日春風長養時

次韻海寧相國雪後住桃花寺

綸扉行傍

禁門開內使頻

頒珍果來盡日聞香天浩：連林瑞色雪皚：一
生未夢黃梁枕拾級同登白玉臺聊誦新詩倚山
麓桃花春寺獨徘徊

次韻海寧相國望盤山

三盤草木蔚嶙峋二十年來負好春入夢烟嵐生
繾綣掉頭踪跡感參辰情隨飛鳥穿花去目極歸

雲渡水頻直上岵堯從

翠輦何人不是畫中身

次韻裘宮詹叔度盤山曉發雨中書事

仗馬晨鳴等市囂駝峰起似山高開門驗雨邨
農喜拔箭彎弓虎旅豪路怯衝泥無近遠詩成叉
手愧風騷安能十日田盤住相共花前聽伯勞

玉甕歌應

制

寶華霸氣鍾混茫鏤雲琢雪搜崑岡不知呈露自
何代制為大器難等量宇宙由來有竒秘須與

中興詩金卷一
盛世同光昌崔嵬如山儼夏鼎昭神肖象誰端詳
幾經顯晦閱時代塵埋古廟同瓠甌一朝移來入
閭闔漢家寶鼎空輝煌

睿思乃能通造化賦心宛轉傾河漢窮幽極顯更
竒屈物無形遁情洋洋星辰焜耀

示朝列奔走駭汗蹶且僵賡揚鼓吹亦臣分割決
肯臆慚粃糠

承光殿裏光煜燭仰視未敢開眸睚勢奠坤輿形
震仰恍疑月窟盛天漿注茲挹彼三十石波濤千
頃陂汪：週遭劊刻畢水族泳游跳躍鱗鬚張鬼

工不啻偃師巧人力何事徒劬勦聞說金元曾暫
有廣寒古殿傳芬芳風雲變幻五百載神仙踪跡
迷滄桑遂令古物成委棄羽人挾置齋廚傍可堪
濩落久悽惻瓦盆土缶相頡頏紅日中天燭幽隱
千金不惜

明廷彰期還瑩徹洗塵垢頓令炳煥儕琳琅高眩
金盤映冰齒宛入清廟升明堂是惟

聖人善體物一物失所心徬徨須臾布置成位育
地亦何愛天何藏臣工拜手紀

殊遇仰瞻雲漢生春陽

丁卯重陽後六日湯山接

駕恭紀

炎泉瀦沼碧山隈浴鷺飛鳧上鏡臺流澤真堪移
黍谷當花如見繡蓬萊氣蒸十里風雲暖春入千
巖天地回來從

翠華鵷鷺後一時光彩淨塵埃

曉亭詩鈔卷一

曉亭詩鈔卷二

男鄂洛順校編

宗室塞爾赫慄菴

三餘集

冬日寄匡山老人二首

松柏何蒼蒼、生長南山阿高枝綴雲葉低枝垂女
蘿下有孤栖士歲宴懷芳芷長與烟火違饑來食
松子踞石撫鳴琴清音襍流徵冷狀一再彈白雲
四山起雲起欲為霖琴聲尚如此

潛穎怨春遲陵苕哀秋蚤人生能幾何奄忽以終
老大鵬垂雲翼滄溟湯浩、本非燕雀儔詎為謀

梁稻金以礪益銛玉以磨更好行、復行、朔風
悴百草夜光煩按劍安能為世寶

長相思四首

殘月戀江樓輾轉夜將曙佳人悵空帷夢向天涯
去芳草自萋、王孫竟何處

林中鳩喚雨林外鳩逐婦鳩婦聲嗷、雌雄不相
顧誰憐平生親棄捐在中路

亭、嶺上梅高枝橫四面南枝已芬芳北枝尚霜
霰共在陽和中榮枯不相見

妾髮乍堪梳郎年才弱冠郎性喜從戎棄妾桑田

畔蠶死桑葉枯繭成絲難斷

丁亥暮春遊盤山便訪拙菴上人

風和隴麥青郊曠遊目騁天際遠墟間樹杪浮嵐
迴新綠藹叢薄襟花綴疎影詎憚輿馬疲終隔烟
霞境逶迤巨壑深淞漑飛泉冷石繡古蘚斑鳥啼
春日永雨餘林氣澄雲歸陰岫冥托根層崖松無
為感潛穎夙慕山栖幽頓遣塵念屏一逕緣西麓
千盤凌絕頂紺宇禮尊宿浮圖落高景次第辨諸
峯微茫睇沙嶺披榛扣禪關閒房太古靜晚飯摘
山蔬烹茶汲古井坐對老僧言窅然發深省

從軍行送吉臣王孝廉

潺湲流水長城窟羽檄星馳無健鶻
賀蘭山下陣雲開英雄拔劍雙瞳裂
匆々別我出陽關不計當身還不還
伊吾廬慄黃沙日燕弓越甲待鳴絃
驚沙欲沒黃河渡黃河奔騰向東注
荒々落日飛鳥還萬里閒雲無住處

春郊即目

雲容水態媚春空
踈地長楊綠未窮
一徑紅霑杏花雨
數家青颺酒旗風
人經故壘看山色
馬過新阡憶草叢
寄語芙蓉城裏客
莫教鸚鵡鎖深籠

春暮病後懷滙川

清况誰憐減帶身
蚬蟻牕戶滿飛塵
非關病後偏勝酒
但覺詩成乏解人
寒食斜風將乳燕
落花兼雨入殘春
履痕三徑苔斑合
無奈侵簾綠草新

咏蠟燭贈友人

君自懷明德誰憐夕影孤
有花空綉彩無淚不成珠
目極寒牕下心灰永夜徂
餘光在東壁曾得照徐吾

霧

漠々千林重濛々五里浮
似塵低障馬如雨遠含

樓彭蠡雲颿出薊門烟樹收恍疑從帝子曳縠洛
川遊

和神侍直原韻三首

綠樹烟籠尺五天珊瑚簾幙玉鈎懸楊花撩亂千
株雪飛入春雲總得仙

鶯兒燕子兩相親回首梁園草色新細雨東風滿
城郭茂陵愁煞病人

曾向蓬山得見來琅函丹誥五雲裁天邊青鳥無
消息寂寞談諧曷倩才

春風來

春風來：逐青陽地匝回律轉歲華新日長閒困
人朔雪堅凝冰未泮嶺梅香破南枝綻

鞏華東莊東二三同志

出門寡所營芳氣滌塵目遙峯矗高原清流界平
陸遊絲蕩春景長林鳴布穀風恬麥隴清烟斐茅
茨簇雞鳴邨乍午花飛樹初綠守默面晴川無人
鑿幽獨

鞏華道中

山邊冷翠迎人起空際浮雲觸目生又向鞏華城
下路斷烟殘照望昌平

冬夜樓子莊別墅訪平弼侯

炯：鐙明夕遙：犬吠門柳深陶令宅路闍謝公
邨羅綺新臺榭桃花舊水源故人欣握手相對一
忘言

冒雨過王魯傳宅聽唐青照彈琴

君不聞羹藜飯糗蓬蒿人大牢滋味無與論又不
聞雲書鳥篆摩崖跡纔學塗雅渾未識唐侯為我
彈鳴琴流颼寂：華堂深雲壓泉流曲初放古鐘
幽磬聲相尋天風吹雨滿寥廓萬斛明珠半空落
徘徊應有神物來海水翻林叫孤鶴嗟我不知伯
牙與成連聽之但覺神魂飄渺心悄狀吁嗟乎唐
侯琴王子宅爾我同是風塵客絃歌且盡歡今夕
明日烟霞各阡陌

古意贈闍章鄭處士

鴟夷去五湖東方飢欲死任運固達生貧亦有時
恥所以千載下人稱樊仲子黃鳥鳴春林嚶：喚
儔侶桑柘有閒情好音相共語誰念孤征鴻風雨
瀟湘渚天：桃李華紅：魚白：旦夕風雨來飄
泊東西陌天矯青松枝貞心比堅石

柳絮

輕於蜨翅重於霜浪逐飛花點夕陽灞岸月明臨
碧水龍池日暖度紅墻因風畧識章臺路咏雪無
多謝傅堂愁絕漢南千萬樹春來飄泊滿迴塘

五日拂繡丙舍飯止塵上人

閒值中天節眷茲塵外境頗覺幽意慳矧與山僧
竝菖蒲翳淺渚雲葉垂高嶺孤邨原上閒一鷺沙
邊靜厨香烹野蔬泉清汲古井何當悟無生從公
乞要領

題畫鶉應樺邨居士

大火西流風影疾昏霧荒々沒寒日紙立孤鶉宛
欲飛宵傍秋風啄殘粒憶昔平原短草枯羣飛羣
逐鎮相呼霜鷗野鷄滿霄漢匿影不敢窺平蕪五
陵裘馬紛馳驟間擲千金爭一鬪毛血易隨黃金
盡可憐紈袴鶉衣後君不見漢家從來重養士疇
向疆場報恩死

咄咄

萬端起滅總浮漚蠻觸干戈襍蜃樓只索愛詩魚
愛酒阿誰呼馬更呼牛有時竟捉秋江月無力徒
窺夜壑舟幾許滄桑自翻覆百川依舊向東流

聞雁

曉亭詩金卷二
六
雲寒秋影動高城向夕常聞雁幾聲九月霜風驚
木落萬家砧杵和蟬鳴蘆花江上孤舟遂夜月樓
前古塞箏未拄小牕人靜後漏殘鐙盡一淒清

馬射行并序

京師上巳日游俠少年集城南河濱習馬
射蓋取諸三月三日華林園馬射遺意云
彩雲隋天珠走盤老蛟赴海驅狂瀾年々此日城
南端長安壯兒顏渥丹春服粲々綺與紈雕弧肖
月金梁鞍青驪颯沓騎鳴鑾鶻無虛發駭衆觀掣
電眩轉流星寒矜絕爭奇非一技翩躚低昂舞迴

鸞有時屈曲傲泥蟠滑如宜僚巧弄丸倏忽操舟
十八灘瞪目欵欵發長歎一朝儻使破樓蘭落花
蝴蝶飛成團

書大盩房山詩卷後二首

青女擎霜細作花一聲鶴唳散明霞海風吹上三
山月雲液烟芝夜煮茶

詩中邱壑夢中緣回首登臨已六年

六年前曾與巢
寄齋錢昭融輩

遊此昔日酒痕今日血三生石上有啼鵲

車遙遙

采蓮莫剖心剖心傷懷抱伐木莫為車為車馳遠

明言金卷二
七
道寧辭閨閣寒但恨顏色好日暮獨徬徨途湯
浩：安得夢中身化作輪邊草

星星石

何年隕大星誰看化為石屹立古道旁行人皆辟
易有時重上天乾坤照逢夕

若璞詹事惠哈密瓜

瓜期方及已垂涎珍重分甘自
九天玉液凝青殘臘後銀刀破碧晚鐙前乍驚雪
蕩來仙圃浪說葡萄入漢年始信中原無此味東
陵空有邵平田

秋日病中偶成

篠蕩清幽遠市囂西風黃葉下亭皋天邊有夢空
飛蝶海上何人獨釣鰲身共病蠅秋寂寞心隨涼
雨夜蕭騷那堪作賦增哀怨潘岳閒居長二毛

題畫中虞美人

芳魂已逐楚歌消又向丹青見舞腰莫對春風生
舊恨咸陽宮殿草蕭蕭

西洋畫

西海霜侵漢使頭葡萄數醉月支秋歸來要領都
無得爵賞居狀博望侯

秋夜涼風起

秋夜涼風起吹我階前樹抱琴坐長歎溥：隕清
露三五明月好光采逐烟霧彈琴對明月勞君鑒
情愫

俯仰終宇宙

痛飲戀東籬長嘯懷蘇門俯仰浩終古胡事勞精
蒐人生不須臾蜉蝣自朝昏昔賢既明哲吾更復
奚言

客從遠方來

客從遠方來握手不相識素衣已成緇容顏變疇

昔門戶多網羅階庭橫去聲荆棘有女老不字空房
夜猶織

索居慕儔侶

嚶鳴有哀音山靜聞伐木感此一何悲我心本幽
獨抱影守窮巷清風來穆：菀彼蕙蘭花無人馥
空谷

馬

不識天閑路徒甘塞草肥有時衝雪去何處踏花
歸首蒼三秋老風塵一顧稀更堪悲伏櫪千里壯
心違

宿銀山鷲峰寺阻雨同若璞太史作

偶向東林謁遠公寺為耕月老人道場初聞半偈即心空鷲峯

一夜留清夢行盡青山細雨中

深秋雨後匡山老人以詩招游大房諸勝次

韻奉酬

十載力磨甄力盡難成鏡何來鶴背人遺我蓬壺

信仙境絕塵心道行超凡性林樾晚香浮岡巒太

古靜飛泉通石罅落木開幽蔭窈窕深洞門仙人

坐高詠貽我葛坡筇相攜出澗窈

襍詩二首次魯傳韻

郎義重如山妾命薄於紙妾采芙蓉華郎種相思

子鏡裏朱顏衰江邊紅豆死

鴛鴦一端綺密：同心結上有芙蓉花下有芙蓉

葉贈君萬里道勿令絲斷絕

秋日游東邨

縱步副游情瞪目慙心賞晚霽愛澄川流光極澹

泱豐年蚤穀登閒原百草長陰：迤阡陌鬱：叢

灌莽塘迴蒲稗深陂轉塲圃廣境幽客意閒雨過

山容爽墟烟澹將夕沙路平如掌孤邨人未歸高

樹聞蟬響

送張蔣谷游韶州二首

八斗才人百粵裝江山過眼入奚囊
秋風秋月韶州路盧橘初逢一半黃

十月梅花作雪飛羅浮回望廣陵稀
探竒若遇緱山客好共吹簫跨鶴歸

咏未開菊

蓓蕾初黃得露清西風殘照獨含情
開時無奈重陽近風雨瀟瀟秋滿城

秋日題唐靜巖廬山白雲圖

綠筠軒中日欲晡綠筠主人一事無
雲間嘹唳霜

鴻孤西風撼：吹寒蕪唐侯於我意何殊
婁山詩客適與俱扣門握手相歡呼
示我新畫廬山圖展觀拂拭眼模糊
剖決鴻濛狀睢盱積岨巍崛填四隅
岡巒合沓迤脩塗盪胸雲氣生白繻
遙連靉靄來蒼梧林端垂綫路縈紆
却亭宛覩飛鼉懸雷跳沫濺細珠
虛堂冰雪侵肌膚吾聞此山號天都
江陽名嶽信不誣岷川九曲通三湖
回環灝漭依盤盪情移目瞪汗沾濡
歛驚咫尺觀方壺唐侯唐侯真吾徒
揮斥八極隘九區誰能不于甘凡驚
十年夢想游匡廬彷徨撫卷空長吁

冬夜示李秀才壯猷

九衢靜鳴柝萬籟肅已歇
蘭膏永深夜漏斷疎鐘
發層冰蠹研池微陽消楮
枘積霰翳蒼柯繁雲嵌
孤月念子青徐士發憤何
鬱勃使氣髮堪指論心
血已熱虛竹動清響輕陰
遠寒日緬邈張釋之義
高聞結鞶

春日喜晤故人張修永次其見贈原韻

張適罷
劉陽倅

握手春風各問年依狀家
食志夷堅酒痕舊漬青
衫色郢曲新歌白雪篇
五柳我慚元亮隱三湘
人道季鷹賢故交已似晨
星散不意從君更著鞶

題大盂水墨小幅

畫筆詩情兩共閒林巒蕭
散有無間水雲一片倪
黃意恰似雷溪屋外山

寄謝甘立軒中丞送漈溪紫石硯及石水器

中丞門第舊簪纓鄉曲交
親儼弟兄鍵閣難除名
士習綈袍猶有故人情紫
雲割斷山千壘碧澗分
來水一泓冀北滇南天萬
里報君空有二毛生

春日雨牕寄山中友人

空齋雨過竹斑斑香謝花
叢靜掩關有夢懷人思
採蕨無方醫癖是看山已
知倦鳥啼春去却羨孤

雲出岫閒寄語桃源老居士腸迴溪水碧潺湲
題靜巖山水卷後二首

霏烟澹晨光野水易昏夕連峯接遠陰雲樹何羃
歷邨墟得蕭散飛瀑濺空碧不見山中人秋山鎮
長寂

君性自云靜寫此肖中圖覽觀情既愜得此無外
娛北風吹虛閣涼月照廣除寄語邱樊人歲暮當
來居

歸途寄謝匡山老人

曉色波光碎玉流經過谷口慣淹留何因紫陌紅

塵客偏向青溪碧澗游三尺焦桐空受賞十年磨
劍未曾休歸時有夢應知處擁翠亭邊月影浮

古意二首寄李唯馨

庭前有奇樹孤挺不成林春來發榮華逸樹多鳴
禽雨露積膏澤飄風生遠音安得秦川水悠悠、鑒
此心

巨鯤為雲鵬滄海還成陸可憐逐臭夫海涯空不
于長松生崇巖幽蘭馥空谷相於忘歲年感彼徒
鹿：

春草四首用王阮亭秋柳韻

河梁一望已消寬。歲、春來靜掩門。繡嶺宮前新
雨色。姑蘇臺畔舊烟痕。夕陽黯淡連岐路。短蘧參
差隔遠邨。回首夢醒蝴蝶散。含情終古向誰論。
獵殘餘燒又絲霜。依舊東風遍野塘。嫩綠裙腰無
委佩。長青書帶有空箱。雲暉羃、愁元載。巫峽芊
芊夢楚王。沙苑年來春更好。可堪時過碧雞坊。
江干蘭露濕羅衣。昔日春風事已非。繡野粘天嘶
馬外。空山無路去人稀。咸陽原上花新落。朱雀橋
邊燕又飛。誰識閉門張仲蔚。蓬蒿心事與時違。
青、河畔劇堪憐。積翠連雲總是烟。吹徹玉簫春

寂、生當金谷恨綿綿。懷人靈運成新夢。賦別文
通憶往年。何日斜陽牛背下。卧同花影綠楊邊。

送錢昭融由豫章歸錦邨二首

半豹曾將一管窺。平生莫逆寸心知。夫于老去梅
邨遠。又見江南錢受之。

雪滿寒梅過豫章。九江烟水接錢塘。到家邱壑都
無恙。花滿南湖對草堂。

贈坦夫

林茂闕蘭芬。淵渟含蚌彩。浩、長江水終古流不
改。千金非所貴。一石亦可采。卓哉阮步兵。埋照成

終始

贈月卿

良玉未出璞曾不為世重長松產深山徒言中梁棟不見漢陰人汨日抱巖

贈魯山

黃菊殿殘秋寒梅占蚤春由來天下士作事羞因人因人徒碌碌脫穎能空羣何為買素絲獨繡平原君

贈方卿

上山采陵茗涉江采蘭芷采遺所思所思邈千里

為鳥喜鷦為木願連理清冰瑩玉壺月明光在水

癸巳七月重過豐臺因感舊事之作

婉紫嫣紅秋滿畦草橋遙接百泉溪十年花事驚

春夢十年前曾與子房魏侯諸子飲芍藥亭一逕香風送馬蹏杏雨梨雲

空悵望芍藥亭相去六里許沙鷗汀鷺共相攜舊來池館今何

處烟樹蒼茫望已迷

顧坊杏花春雨江南

杏花春雨及芳年約畧江南二月天香滿前邨思一醉泥人扶櫂綠楊邊

夕陽

東隅一望遠烟生自顧頭顱感未平
暗送馬蹏催倦客明隨鴉背上高城
三春雨後花無賴九月風前葉有聲
獨立閒階惜餘景桑榆滿眼不勝情

夏日寄盧中丞舜徒

盧以光祿卿署甘肅巡撫

夏日坐長晝西方思美人中丞新保障
光祿舊清純俗反邊陲古山回鳥鼠春
平生期報國萬里近

楓宸

王魯傳失偶卧瘵雨牕小詩寄慰

悼亡潘岳禁多病不解忘情轉恨君
十日秋風連夜雨東陽思殺沈休文

蕉園舅氏出獵三河漫成長句奉寄

臨洵城下秋草腓臨洵河畔霜凜冽
霜寒草衰狐兔肥天空野濶雕鷗飛
孝廉好獵脫儒衣三十挽強能中微
魚腹象弭雙履鞮風馳電掣耀金鞵
解鷹曳犬出郊畿賓從襍沓四牡駢
戎行辟易獸悲號隊飛蹶奔全者稀
風雲舒卷隨指揮山頭罨靄夕烟霏
駝駘羸羸負載歸烹腥割鮮醉錦幃
回首茆檐雙竹扉書生佔畢空佩韋

明亭詩集卷之二
秋 日 從 太 夫 人 之 圃 上 草 廬

板輿徐度趁朝陽更得康彊感上蒼只恐病魔消
日月竟能言笑到山莊白蘋風散紅雲重黃葉林
隨綠水長黍稷登場農事畢茆檐新煮菜根香

乙未春暮霽後飲松鶴堂賞瓶中白牡丹

宿霽澄景光薰風蕩暄節堂開羅曉宴情欸中自
熱列几置瓊葩誰鏤太古雪飄渺望羣仙玉山何
巖嶸魏紫與姚黃豔冶寧所屑四座罷清芬愛極
詎容藜草木有真王諒非徒自潔不見路旁花飄
零信攀折

龍湫行

皎月隋地寒無光古劍照空霜氣涼知有靈物中
潛藏星河不動天茫茫四面濕雲飛不起老龍嘘
雲護龍子何人好事更熒犀移來無限滄溟水

夏日王子魯傳偕唐子青照枉過綠筠書屋

兼示佳什次韻奉答二首

高軒相竝過柴門雨後叢篁長子孫露草流螢佳
客去月階風館更銷魂

冰肌姑射舊仙人一晌披雲滿座春誰擅齊梁最
高調彈丸脫手只王筠

夏日走筆贈隋海侯

隋侯潦倒燕市側家住山東古即墨黃金揮盡重
交游不問生涯何稼穡平生磊落希古人湖海之
氣風塵身年將四十游汗漫薊門烟樹空陽春長
揖寧知五侯貴推埋屠狗同一醉彭澤歸來羞折
腰信陵甘執夷門轡君不見齊人田單古英豪振
策初從即墨始火牛一發挫強燕頓復雄城七十
二翻憶燕齊未遇時英雄蓋代疇復知與君邂逅
一尊酒問君今日將何為燕山道路多欽欵烟雲
變刃無定期嗚呼隋侯竟安適徒狀結我他日之

相息

惻惻

惻：復惻：高山不可陟幽林當虎豹仄徑多荆
棘驚飆戰疎林寒日忽已匿徬徨寡儔侶寡天望
何極欲渡川無梁百憂亂胸臆俯仰息古人終宵
勞反側

鞏華題壁

廢郭夾清瀨孤墟生遠烟沙晴雙鷺下花暖一牛
眠微雨近寒食東風似去年豔陽桃李月皎潔共
鮮妍

立春後十日飲長漚川宅有懷匡山扶南二
首

心醉周郎快飲醇後堂鏤蛤宴新春東風十日平
原夜身在冰壺對玉人

與君翦燭細論文星海源流萬派分野鶴秋猿誰

是侶

高崇烈太史評漚川詩曰秋猿野鶴

皖江春浪大房雲

扶南方氏桐城人工歌行

聞蔡玉躬遊盤山

遙羨探幽薄笨車行：一徑入雲斜春風十里田
盤路繞遍青松紅杏花

古意二首寄匡山老人

秋來木葉黃春來木葉綠木葉本無情時序煩相
促寒蟬抱高枝清露不滿腹誰能鑒此心落日鳴
空谷

纖：澤中草青：山上柏雲泥不相及枝葉互交
結山水自高深我心原匪石

伏日侍食先慈墓門誌痛

手持麥飯一呼天形影仍依几杖邊直欲將身填
碧海終應無路到黃泉垂絲雨腳紛如織傷日雲
容積似絲心想茫狀對松柏白楊風外咽哀蟬

山莊杏花有序

去春先慈養痾山莊不孝以朝請留都下
狀時：過省無間旬日邨邊有山杏一株
花時爛熳可愛嘗置酒其下命不孝輩賦
詩今年清明重過其地花復盛開所謂風
景不殊舉目有山河之異因書此以誌痛
負米時：一問安去年花下每承歡依狀紅杏春
暉色化作孤兒血淚斑

丙申秋杪平茂才弼侯李元戎壯士過圃上
草廬挑鐙夜話弼侯慷慨悲不自勝俄聞
墻外有聲自西南來清越淒楚直而不回

座中或聞或不聞皆不知其何聲也於是
滌琖更酌迨曉送弼侯歸因賦是詩

秋光淨如洗落葉打牕紙羊求熟三徑扣戶斜陽
裏飛鳥相與還挑鐙話媿：慷慨有弼侯扼腕悲
歌起有聲西南來恍若喻深旨其聲哀以厲惻愴
鍼人耳淒風動四野涼月侵階庇座客豎毛髮索
酒壯前趾童僕勦已睡晨星耀朝葢送客啟柴扉
茫狀昧所以

松鶴老人歌并序

花暖青牛卧松高白鶴眠太白句也

御書賜原任少司馬舅祖汲公因以名堂且以自
號馬歲丙申公七十壽

勅宗室國公都統宣

溫旨顧問有賢良之目喜而作歌

松鶴老人年七十鬕髯如漆雙瞳方平生肝膽照
冰雪從衡錦繡羅中腸投簪十載卧林壑

君恩高厚殊難忘朝暮仰

奎章輝炳日月何焜煌自

天題處降百祥好將松鶴名其堂老人弄孫堂上
坐芝蘭玉樹森琳琅雲間白鶴紛翱翔松風謖

吹古香興酣落筆逞豪強蠅頭細瑣歛千行漢家
天子重賢良

溫綸寵渥來明光公輔傳宣吐芬芳公猶矍鑠堪
從王慎勿東山眷絲竹蒼生久已遙相望

新正二日戲柬王魯傳兼示菘園居士

暖風融雪洗殘年已薦春盤八日前鍵戶我為孟
光祖謫仙人憶李青蓮閒中貯殺來看竹醉後呼
應不上船言念菘園老居士鳴琴環堵自蕭然

鐙夕東婁山居士

火樹星橋明月夜坐聽寶馬逐香車此時料得婁

山客簫管聲中自讀書

初夏送若璞學士之塞上二首

端居赧素餐結念邈前路關山翳叢薄天氣散和
煦清時貴才彥夏雲多甘澍珍重瓊樹枝慎勿傷
遲暮

庭柯入初夏濃陰日夜長閉門養煩疴聊復謝塵
鞅流風軫踈箔孤雲結遐想明月印脩篁還成屋
梁賞

題楊卓雲孝廉釣艇圖

把釣是何年長歌擬扣舷東風楊柳岸春水孝廉
船浮海鷗堪狎烹魚酒亦鮮邗江烟浪濶淼々正
無邊

次韻蕉園舅氏題舊居海棠之作

含情無語恨應賒妬殺當年桃李華沉水香消荀
令座絳帷春捲馬融紗可堪豔舞迴風雪依舊嬌
餘睡臉霞記否臨行贈條脫夜深猶望降羊家

秋杪喜大盍自滄洲還

獨泛孤雲向海邊客牕誰與聽鳴蟬滄浪一曲孤
鐙外紅葉千山瘦馬前空館荒涼猶有菊詩囊羞
澀已無錢開簾應悔歸來晚先得清風伴惠連

秋日晚步次胡宿二茂才韻

林色秋烟晚更蒼
短藜扶我力猶強
天從歸鳥沒邊碧
葉向游人到處黃
驀地商飈吹面急
誰家羌篴倚樓長
臨臯步屨月初上
驚起雙鳧出野塘

題畫

溪山細雨作烟嵐
草舍疎籬靜一龕
十里湖風吹不斷
白蘋青荇滿江南

秋夜口占

風喧徑草蟲鳴處
月瀉銀塘露下時
落葉打牕人靜後
獨燒殘燭自題詩

